



NOTÌTZIAS DE LÈGHERE

Cando su Tzinema nos nche torrat a sas Traditziones de sa Terra: in sas Iscolas Elementares comintzat su Progetu “A Bentulare Siat”

DATA PUBBLICAZIONE ON LINE: 07/03/2023 DATA ISCADÈNTZIA: 31/03/2023

Tzinema e traditziones agrìculas luego ant a èssere a beru prus a curtzu: est comintzadu su Progetu “A Bentulare siat”, aprovalu e organizadu dae s’Istitutu Cumprensivu de Otieri, ghiadu dae su Professore Paolo Carta e cun s’agiudu importante de sa Professoressa Caterina Satta e de s’Istitutu Cumprensivu de Uddusò, ghiadu dae su Dutore Andrea Nieddu, cun s’agiudu de s’Assòtziu Culturale Bolognesu Carta Bianca APS, finantziadu dae su Ministèriu de sa Cultura e de s’Istruzione. Dae Frearzu sos dischentes de sas Iscolas Elementares de diversos Comunes de sa Sardigna ant a èssere impignados in unu caminu pessadu a sa connoschèntzia e a s’educatzione a sa figura, e pro sas classes cuartas e cuintas finas una creatzione de unu documentàriu chi riguardat sa Filiera de su trigu.

Comente podent torrare sas traditziones antigas de sa terra chi si sunt perdende semper de prus? Comente si podet cunsignare a sas generatziones noas, cun faeddos noos, totus sos traballos antigos e sas connoschèntzias, gai de importu e netzessàrias de sa cultura campagnola? Comente si ghiant sas generatziones noas a s’istùdiu de sas tècnicas modernas pro traballare sa terra, pro torrare in possessu e avalorare sas risorsas de su territòriu pròpiu, pro mèdiu de s’impitu de sas tecnològias noas? Custas sunt calecunas de sas dimandas a sas cales su progetu at a chircare de rispòndere.

S’at a comintzare dae sos dischentes de sas Iscolas Primàrias chi, postos impare dae sos Mastros Responsàbiles Agostino Saba e Rita Murgia, e dae sos Operadores de Educatzione a sa Figura in Iscola de Carta Bianca APS, ant a iscobèrrere ite cheret nàrrere a beru “Bentulare” pro mèdiu de una manera chi piaghet e èducat comente su Tzinema.

Dae Frearzu a Santuaini 2023 su progetu “A Bentulare siat” at a acumpagnare prus de 560 pitzinnos de sos Comunes de Otieri, Mores, Tula, Patada, Uddusò e Alà in unu caminu istrutivu a cura de cumpetentes chi ant a leare in cunsideratzione siat s’istòria de su Tzinema e su Limbazu Tzinematogràficu, siat su traballu de sa Filiera de su trigu, dae cando si mudat su frutu de sa terra in farina finas a su pane. Su totu at unu tempus de agiummai unu mese de letziones partidas tra Frearzu, Martu, Aprile, e Santuaini; a pustis de unu momentu de presentatzione in àula in su tempus dae su 6 a su 11 de Frearzu 2023, ant a sighire in su mese de Martu sas letziones teòricas on-line, sùbitu a poi dae su 12 a su 18 de Aprile 2023 sas classes dae sa prima a sa tertza ant a sighire unu caminu de educatzione a sa figura in su Tzine-Teatru de Otieri “O.Fallaci” e ant a èssere agiudados a fàghere valutatziones e a riflètere subra a su Limbazu Audiovisivu dae s’Atore e Autore Teatrale e Tzinematogràficu Daniele Monachella de s’Assòtziu Boghes, cun traballos in diversos progetos de importu natzionale. Pro sas cuartas e sas cuintas est postu in contu unu Laboratòriu Audiovisivu

subra sa creatzione de unu documentàriu pro contare sa Filiera, e una vùita ghiada dae cumpetentes in su setore, in una moderna e ispetzìfica Azienda de sa zona de Aristanis, pro tocàre cun manu e documentare sas tècnicas noas de sa semenada e de comente su trigu benit traballadu. A Santuaini sos istudentes de quarta (chi ant a èssere passados in cuinta) ant a andare a su terrinu pro bìdere comente si sèmenat. Totu su tempus de su Progetu at a èssere ogetu de documentatzione dae parte de su Team organizzativu e ant a andare a cumpònneru unu traballu finidu chi faeddat siat de s'atividade didàtica in classe e siat de sas esperièntzias bìvidas dae sos pitzinnos in su territòriu. .

Sos Referentes de s'Istitutu chi ant bideadu e presentadu s'idea a sos Mastros de s'Istitutu e a sos diversos partner, ant a èssere ghiados dae: Marilisa Murgia, Producer e Responsàbile Iscientìfica de su Progetu, Giulio Filippo Giunti, Regista e Autore, Gabriele Murgia film-maker, Domenico Parrino Tènicu pro sos Film e Luca Corraini, Social Media Manager de s'Assòtziu Carta Bianca, un' Organizzazione chi at domo in Provìntzia de Bologna, chi traballat dae su 2010 pròpiu cun s'iscopu de avalorare su territòriu pro mèdiu de sa manera tzinematogràfica. Umpare a s'Assòtziu, a parte sas iscolas impignadas, b'at àteros partners de su logu: Assòtziu Boghes, Comune de Otieri, Coldiretti Sardigna, Mulinu e Museu Galleu de Otieri, Fatoria Didàtica Sa Tanca de Muros Rujos, Su Furru de Sanna e su Furru de Canu de Otieri, TzineTeatru "O. Fallaci" de Otieri, TzineTeatru de Ittiri.

pro informatziones: produzione.cartabianca2010@gmail.com cell. 340 6729655

Tradutzione a cura de s'Isportellu de Limba Sarda de Otieri

Progetu "Inoghe Puru" Annualidade 2022

Finantziadu dae sa RAS cun sa L482/99 e cun sa L.R.22/2018

